

HÄÄ LAULJA' NI KOORIJUHI'!

Püvvämi kõrraldajidõ puult kokko panda võimaligult pall'õ tähtsät teedüst pido ettevalmistuisi ja pidopäävä kottalõ.

Pidos valmis säädmine. Pido piät olõma lõbus, no hää om ka häste kõlada! Kuundpruuvõst osa võtminõ om tarvilik! Kavvõmbalt tulõva' koori', kinka kodokandin kuundpruuvi ei olõ', võinu saata vähämbält koorijuhi ni mõnõ koori esindäjä pruuvi. Tulõtami ka miilde, et pido kodolehe pääl om esinejide info lingi all nii kuundpruuvõ kava, pidolaulõ tõlkõ' eesti kiildõ ku pidodirigente juhissõ' laulõ opmisõs.

Koori andmidõ täpsüstamine. Pido kodolehe pääl esinejide info lingi all om välän pido kuurõ nimekiri ütän koorijuhtõ nimmi ni lauljidõ ja latsikuurõ saatjidõ hulgaga. Kas kõik om nii nigu piät? **Pallõmi meile teedä anda, ku midägi om muutunu!** Käepailu ja söögitalongõ õigõ arvu jaos omma' tulõjidõ numbri väegä olulisõ.

Pidopäävä kelläao' 28. mail

11-11.30 NAK – Kodassõ pesä, Mis om suurõ järve takan?, Protõstiirmisõ laul.

11.30-11.35 NAK ja LAK – Om laul

11.35.-11.55 LAK – Kosmos ni Mõtsaelo

11.55-12.25 LAK, MUK ja POK – Kikkasiin, Lõvijaht, Mäng.

12.25-12.35 LAK, MUK, POK ja MEK – Seenelaul.

12.35-13 MEK – Tillokõnõ naane, Kiä nuu' naasõ' ommava'?' Neio' põlgva'.

13-13.25 SEK – Tagamõtsa, Kas või karja..., Leelo.

13.25-13.45 ÜK ilma LAKilda – Mõtõ' Võromaa, Kuionu puu.

13.45-14.20 ÜK ütän LAKiga – Võromaa laulu', Uma Pido popurrii, Puu' kasussõ' korgõs,

Mõtsakodo, Tulõsõna', hümn.

14.30-16.30 Kogo kontsõrdi läbimängmine ütän alostusõ laval pääle tulõkiga.

16.30-17.30 Rõividõ vaihtus, puhkamisaig, süümine.

17.30 Kogonõminõ mõtsa ala lavalõ tulõkis.

18-20 Pidokontsõrt.

20 (inämb-vähämb) Simman. Simmani aigu tenolauld kõigilõ koorijuhtõlõ.

21.30 (inämb-vähämb) Kodosõit.

Söögikõrraldus pääproovi aigu. Pallõmi süvvä' aol, ku ti õkva pääproovin midägi tegemä ei piä?! Rutuliisi momente jaos om mõistlik midägi kipõst süüdävät kotost ütän võtta – võileibä, saiakõist vms. Latsi ilma rahalda talongisõõgi telk om valla 12.30 – 14.30 ja 16.30 – 17.30.

Söögiao':

12.35-13.45. LAK

13-14.25 MUK ja POK

Kooli SEKi: 2 võimalust (andkõ kõrraldajilõ teedä, kumma valiti!):

1. võimalus: tulõva' varõmb ja söövä' inne uma pruuvi kell 12-13.

2. võimalus: 16.30-17.30.

Terve päävä joosul omma valla erinevä' müügitelgi'.

Pallõmi egäl koori pidotulõ jaos ütän võtta üts pliidiipuu pikkunõ puuhalg – nii om pidotuli peri kõrraga kõigist kantõst, kost pidolõ tulõjagi'. Halu tulõasõma mano tuuminõ om osa pidolavastusõ algusõst. Täpsembält kotussõ pääl!

Pido kõrraldajidõ palvõl jagasi luudusõ- ja rahvalaulusõbõr Kalla Urmas erinevä' mi kandilõ tähtsä' puu' Vana-Võromaa kihlkundõ vaihõl. Uma puu sai ka setokõisilõ ni sõprulõ-sugulaisilõ muijalt Eestist. Loe lähkumbält siist: http://www.umapido.ee/images/failid/2016_9_v.pdf Ku võimalik, võinu puuhalg ka vastavast puust olla, no seo jätämi siski ti hindä otsussõs.

Pallõmi egäl kooriliigil pruuvi jõuda õigõs aos. Seo tähendäs parkmist vähämbält 30 minotit inne proovi algust.

Parkminõ. Indsikurmu parklaten om küländ ruumi ja kotussõ pääl omma ka abimehe', kiä teid juhatasõ'.

Staab om publiku pingirito takan mäe pääl. Säält saa tarvilikku teedüst, kuurõ matõrjaali, tellitü T-hammõ' jne.

Pidolõ jõudõn pallõmi staabitelgist koori kotikõsõ' är otsi. Säält omma' käepaila', söögitalongi' (latsilõ ni noilõ täüskasunuilõ, kiä süvvä' ette tellsevä'), pido kavavihu' egäle täüskasunu lauljalõ. Ka latsõ' võiva' staabist küsümise pääle kavavihu saia', no eräle neid kõigilõ latsilõ kotti ei panta. Latsõ' ja kõik koorijuhi' saava' kingis ritsikipilli. Kae' infot noidõ kotalõ http://www.umapido.ee/images/failid/2016_6_v.pdf

Käepaila' soovitami õkva käe pääle panda. Pidoalla naatas piirama kell 17 ja päält tuud om käepail piletikontrollist müüda saamisõs tarvilik.

Esmaabi iist kand kotussõ pääl huult Eesti Punatsõ Risti Põlva Selts. Uma egäpäävatsõ' roho' olku egäl lauljal hindägä ütten. Hää olnu, ku lähembä' koorikaaslasõ' tiidvä' ütstõsõ tervüsehätist. Putõl tavalist vett kotin om halva hindätundmisõ kõrral sakõstõ abis!

Hää ilma kotalõ omma ilmataadiga jutu' peetü, no unõhtati kokko leppi, määne tuu hää ilm täpsähe om. Tuuperäst pallõmi valmis olla' egäsugutsõs ilmas. Varustusõn võinu olla vihmarõivas, rõiva' lämmä ni külmä ilma jaos, pääväkreem ja pääkate, kiholaisi hirmutamisõ kreem jms.

Pidorõiva. Rõividõ valimisõ man om kõgõ tähtsämb meelen pitä, et tulõti osa võtma piduligust sündmüest. Rahvarõiva omma kõgõ parõmba! Umbõ häste sobissõ rahvuligun stiilin rõiva, koori esinemisrõiva ja ka pido T-särgi. Pidorõivastõ mano võinu passi ka sobiva kott – linanõ kott, laulupido kott, märss vms (kilekoti ni suurõ säläkoti ei passi!), minkägä saati pido aol kõgõ tähtsämbit asjo hindä man hoita.

Rõividõ vaihõtus ja asjo hoitminõ. Ku võimalik, hoitkõ ummi asjo ni vaihtagõ rõivit bussõn ja autodõn. Kõrraldajidõ puult om seos tarbõs Indsikurmu mõtsa all ka üts suur telgialonõ. Telgi man pidävä' kõrda vabatahtligu', no kõgõ väärtüsligumba' asja' pallõmi iks hindägä ütten kanda.

Pidokontsõrdi kõrraldus. Indsikurmu vähäst ruumi pütäs rahva ja esinejidõ (3200 in) vaihõl sõbraligult jaka. Nigu 2010. aastagal toimunu Uma Pidoga, omma kullõjidõ ni lava vaihõpäälitset alal külgi pääl pingi. Lauljidõ liikuminõ pido aigu toimus lava ja pinke vaihõl, no peris „uma“ kotust kinkälgi ei tegüne. Egä järgnev kõrd või istmiskotus olla veidü tõsõ kotussõ pääl.

Pido alostus. Rongikäüki seokõrd ei tulõ' ni koori sümboolikat ütten võtta olõ-i tarvis. Lavastaja soovi perrä võtami inne pääkontsõrti mõtsa alla rivvi ni mõtsast ja puiõst kõnõlõv pido nakkaski lauljidõ tulõmisõga mõtsast.

Pido lõpp. Perän pido kontsõrdiosa lõppu nakkas õkva simman. Olõt oodõt jalga keerotama – nigunii om parklast kõrraga rassõ liikma saia'! ☺

Laat. Pidopääväl om kell 8-15 Põlva staadioni pääl kohaligu söögi ja käsitüü laat ütten laadulavaga. Kinkal joudu, võinu tulla' varramba inne pruuvõ algust, et laadust ossa saia'.

Uma Pido DVD. Ka seokõrd võetas pido üles ni antas DVD pääl vällä. Kettä telmise kotalõ saati infot edespite.

Miildõtulõtusõ': täüskasunuidõ süüki saa telli viil 10. maini; pido T-hammit saa telli viil 9. maini; mõlõmbidõ kotalõ om teedüst pido kodolehe pääl esinejide info lingi all.

Pidopäiv tulõ pikk, no loodami, et mõnus ja miildejääv. Pikkä pidämist ja rõõmsat miilt meile kõigilõ!

3. mail 2016

Pido kõrraldajidõ nimel terviten,
Triinu Laan
Uma Pido projektijuht
Tel 53322153